



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

II. Incarnationis substantia, unio, meritum, motivum, &c.

urn:nbn:de:hbz:466:1-38477

Fides non erat in Christo, ut illa dicit assensum obscurum rebus à Deo revelatis præstitum; fuit tamen *fides* in Christo alio sensu multiplici.

Gratia excita & adjuvans de facto in Christo non fuit: cum illa non eguerit: et si ad actus supernaturales indigeret concusso generali ejusdem ordinis supernaturalis.

Scientiam beatificam in hac vita habuit, quamvis non haberent gloriam corporis nisi post resurrectionem. Per illam scientiam non videbatur Deo omnia possibilia: quamvis per illam videret quidquid novit Deus scientiam visionis, non tamē eadem claritate. Habuit etiam scientiam per se infusam supernaturalem à beatifica distinctione. Cognoscebat quoque cogitationes cordium, & futura contingentia ab hominum libertate dependentia, ut sibi in Scripturis indicatur.

Voluntas in Christo duplex admittenda est, divina scilicet & humana. Nec non liberum arbitrium tam quod poterit, quam quod actum. *Præceptum* etiam moriendi libere acceptavit: quamvis non posset illud absolute omittere, supposito quod præceptum fuerit absolutum: quod cum illius libera impletione fuisse conciliant Theologi.

Meritum in Christo propriè fuit per varios actus, ut per actum amoris Dei qui sequebatur scientiam illius infusum.

Meruit sibi gloriam corporis, nominis sui exaltationem, impossibilitatem animæ resurrectionem, ascensionem, adventum ultimum, & quidquid in laudem illius factum est aut fit à creatura rationali. Non tamē meruit gloriam animæ, aut gratiam sanctificantem: quia necessariò illi competebant ratione unionis hypostaticæ.

Fomes peccati à Christo aberat tam in actu primo quam secundo. Uti & *ignorantia* positiva, aut *error* in intellectu: quia non consistebant cum statu corporis & animæ divinitati unita. Nec refert quod in Scriptura aliquando dicatur quædam admirari: hoc enim non importat quod simpliciter ea ignoraret, sed quod essent ipsius experientia insolita.

Christus fuit verè *Rex*, sic ut haberet regiam potestatem, & Dominium radicale in omnes res mundi in actu primo, quamvis in actu secundo illam non exercuerit, nisi in paucis. Hanc enim potestatem ratio filiationis Dei per unionem ad Verbum verè importat.

Non rectè dicitur Verbum divinum *prædestinatum* ut esset homo, sed bene esse *prædestinatum* sive decreatum ut fieret homo: nempe per unionem ad natum humanum.

Adorari potest *Humanitas Christi* eadem adoratio ne latræ quoad substantiam quā adoratur ipsum Verbum divinum. Sed cum hoc discrimine, quod Verbum ratione sui adoratur, Humanitas autem ratione Verbi sibi per unionem communicata.

Quo modo Imago Christi potest adorari, & imagines Sanctorum possint coli, traditur supra in Tomo I. Tract. II. Cap. 12. pag. 79.

§. II.

Incarnationis substantia, unio, meritum, motivum, &c.

Primo dicendum, per Unionem hypostaticam duas esse in Christo naturas in Persona Verbi subsistentes, naturam scilicet divinam & humanam, sine ulla Naturarum, Voluntatum, aut Operationum confusione: remanentibus etiam post unionem Proprietatibus utriusque naturæ. Quod constat ex Concilio Calcedonensi sub Leone Magno anno 451. ubi definatur *Filiū Dei unigenitū in diabū naturū inconfinis, immutabilis, invīsibilis, inseparabiliter agnoscendū, numquam sublatā differentiā naturarum propter unitam, juxta illud Joannis primo: Et verbum caro factum est.*

Secundò, Unionem Verbi incarnati factam esse Personam, sic nempe ut compositum resultans ex utraque natura sit una Persona, adeoque in Christo unicū esse Suppositum. Ut definitum est in Concilio Ephesino sub Cælestino Pontifice.

Tertiò; ex eodem dicendum, Humanitatem Christi fuisse propriè, physicè, & personaliter unitam Verbo, & non tantum habuisse cum eodem conjunctionem extrinsecam, moralem, aut accidentalem per amorem, & concordiam voluntatum, & operationem rerum mirabilium, ut volebant Nestoriani.

Quarto, quoad Sanctitatem & impeccabilitatem naturae humanae in Christo: Certum est inter Theologos; primo Christum de facto numquam peccatum qualemque admisisse: & hoc de fide est et illo Petri 2. *Qui peccatum non fecit, nec inventus est dolus in ore eius.* Secundò certum est etiam Christum non potuisse peccare in sensu composito, id est, remanente unione. Tum quia fuit beatus à primo conceptionis sua instanti, cum beatitudine autem non consistit peccatum. Tum quia ex vi unionis hypostaticæ communicatus humanitati Christi unitas Verbi infinita, exclusiva omnis peccati.

Porrò, *Questio Theologica* est, An potuerit iam aboliri in sensu divito unionis humanitas peccare: quod fieri non potuisse docet communis sensus Patrum & Theologorum apud Suarez in *Dissolut. 32. Sct. 2.* & Valquez *Dissolut. 61. Capite 3.*

Quintò, Dicendum cum D. Thoma, & melior parte Theologorum, Unionem hypostaticam esse aliquid realiter distinctum à natura divina, & humana. Ita docet etiam Scotus, Suarez, aliqui communes, Contra Nominales, & aliqui Recentiores. Quamvis ipse Occamus Princeps Nominalium ab illis in hoc dissentiat in *Tertium, Dift. 1. quest. 1.* Dico, inquit, *quod unio addat aliiquid ultra extremam unitatem, quia hic non potest evadri per negationes, & connotationes.* Relationem affligit D. Thomas. *Quia potest esse Verbum, & haec Christi humanitas, sic tamen ut humanitas non sit unita Verbo: ergo illa duo esse inter se unita importat aliiquid ultra humanitatem & Verbum.*

Sextò dicendum, Actiones Christi meritoria habuisse vim mercendi & satisfaciendi in actu primo extensivè infinitam, sive valorem sufficientem ad præmium & satisfactionem infinitam. Ita cum aliis Suarez hic *Dift. 1. Sct. 4.* qui docet vim illam infinitam provenire à Sanctitate increata Verbi, quæ cum sit infinita, & humanitati unita, actiones Christi infinitè dignificat. Quantò autem persona est dignior, tanto maius præmium ipsius actioni, & obsequio responderet. Hinc sequitur Christum pro peccatis humani generis non tantum condigne, sed etiam copiose, & abundè satisfactisse. Et pater ex Apostolo ad Ro-

*ad Rom. 5. Non sicut delictum ita & donum.... ubi ab
undavit delictum, superabundavit & gratia.*

Septimò, quoad causam sive motivum cur debetur Verbum divinum incarnari; Dicendum, causam principalem fuisse Reparationem generis humani, & Deigloriam ex ea provenientem. Pater ex Symbolo Nicano, *Qui propter nos homines & proper nostram salutem descendit de celo.* Probabilis est sententia Scotti cum pluribus aliis, Christum venturum etiā Adam non peccasset, sed in carne impassibili, ut etiam in illo statueret Caput, & causa meriti omnium electorum. Sed communior est opinio D. Thomae, venturum non fuisse nisi dependenter à peccato. Quia Scriptura paucimè inveniat peccatum, & maximè originale, fuisse motivum principale Incarnationis.

Ceterum, cum peccatum mortale, Contra Deum infinite dignitatis, sit aliquo modo malitia infinita, pro condigna illius satisfactione necessaria erat Persona dignitatis infinitæ qualis erat Christus cum esset homo, & simul Deus. Et hinc ulterius sequitur, nullam potuisse dari puram creaturam, quantavisi supernaturali gratiâ ornataam, cui possibile foret pro peccatis humani generis ex rigore iustitiae satisfactione.

Porrò supra Tom. I. Tract. I. cap. 3. demonstratur, quanam sit vera Christi Ecclesia in qua salus per eum possum obtineri, ex ipsius Christi promissione infallibili, Ecclesia Romana antiquitate, unitate, amplitudine, sanctitate doctrina, & gloria Miraculorum, que in Ecclesia Romana, non alibi persisterunt.

§. III.

Communicatione Idiomatum.

Communicatione hæc Idiomatum est prædicatio re-
gula proprietatum & actionum humanarum Christi
de Deo, ac vicissim divinarum de homine. Est certè maximi momenti talium prædicationum notitia in
hoc mysterio admodum sublimi, in quo si quis in
docendo, aut predicando propositionem aliquam im-
penè proferat, summae inficta facile redarguitur.

Dicendum igitur primo, Communicationem Idiomatum in Christo necessariò admittendam. Quia cum Verbum sit unitum Humanitati, sequitur etiam naturam divinam & humanam unitas esse in Verbo in unitate personæ, uti supra in §. 1. & 2. ostendimus. Unde sit ut de eadem persona due nature, & earum proprietates in concreto prædendentur. Hinc resultat in Christo duplex idiomatum prædicatio.

II. Ex prima illa duplicitate naturæ Communicatione in unica persona, vera est hæc propositione, *Verbum est Deus, & illa, Verbum est homo.* Item, quia Verbum est Deus, vera est illa propositione, *Deus est homo, in qua etsi nomen Deus videatur supponere indeterminate pro subsistente in natura divina, non tamen verificatur nisi de Verbo.*

Illa propositione, Deus est homo, differt ab his, *Jesus est homo, & Christus est homo.* Quia Deus, Jesus, & Christus significant quidem ibi personam, sed diversi-

mò, quatenus scilicet Deus significat Verbum ut suppositum naturæ divinae, Jesus ut suppositum naturæ humanæ, Christus verò ut suppositum utriusque. Unde etiam sequitur primam istarum propositionum esse contingentem, & duas alias esse necessarias.

Vera etiam est hæc propositione, *Deus factus est homo,* non tamen admitti solet illa, *Homo factus est Deus.* Quia vox, *homo,* supponit pro persona, in Christo autem nulla alia est Persona præter Verbum, quod nunquam incepit habere divinitatem, hinc propriè di- ci non potest, quod homo *factus* sit Deus.

Altera est Communicatio Idiomatum ex *Proprietatibus* utriusque naturæ divinae & humanae. Hinc vera sunt *ha propositiones*, Christus est æternus, & temporalis, & finitus, & infinitus, &c. Nempe ratione divisorum naturarum, scil. divinae & humanae.

Dicendum non est simpliciter, *Christum esse creaturam*, sed tantum cum addito, secundum humanitatem.

Dicit tamen simpliciter potest, *Christum esse passum,* mortuum, ac sepultum. Quia periculum non est quod de Christo ratione Personæ divinae propositiones iste intelligentur.

Dicendum portò, Etsi Prædicata quæ convenienter naturæ divinae communicentur cum humana in propositionibus illis in *Concreto* expressis, Non ideo quæ convenienter Divinæ dici possunt de natura humana in *Abstrato*, aut contra. Unde est ob unitatem suppoliti subsistentis in natura divina & humana rectè dicatur, Deus est homo, &, Homo est Deus: Item certo sensu, *Deus est passibilis, Homo est impassibilis.* Non tamen ideo dici potest, divinitas est humanitas, aut divinitas est passibilis, aut humanitas est divinitas, aut humanitas est impassibilis.

Errant in his magnopere *Lutherani* dum docent, proprietates naturæ Divinæ esse formaliter communicatas humanitati, uti dum dicunt, sicut Verbum, ita & Christum esse ubique, undè & dicti Ubiquista. Sed præter alia abfona, inde sequeretur Christum non potuisse ad alium, aliumque locum moveri, cum supponatur esse ubique. Atque ita nec natus fuisset in praesepio, nec suspirans in Cruce, nec fugiens in Aegyptum, nec è terris ascenderet in cælum, &c.

*Quedam huc conductentia traduntur hic supra demy-
sterio Trinitatis §. 1. & 2. pag. 12.*

Hæreses & Errores.

*Circa totam Incarnationis materiam declarantur
variae Hereses in hujus Operis Tom. I. Part. II. post
Controversiam X. §. 5. 135.*

Item supra in *Notitia Generali Heresum Verbo Chri-
stus, &c. pag. 148.*

Porrò, Christum pro omnibus etiam Reprobis mortuum esse & orasse: Item pro omnibus gratiam & auxilia ad salutem sufficientia impetrasse, sicut probatur in eodem Tom. I. Tract. II. pag. 65. §. 2. Et de *Gratia sufficienti, Controv. 5. pag. 124.*